



Republika e Kosovës  
Republika Kosova - Republic of Kosovo  
Komisioni Qendror i Zgjedhjeve  
Centralna Izborna Komisija  
Central Election Commission



**ZYRA PËR REGJISTRIMIN, CERTIFIKIMIN DHE KONTROLLIN FINANCIAR TË SUBJEKTEVE POLITIKE (Zyra) NË KOMISIONIN QENDROR TË ZGJEDHJEVE (KQZ)** sipas autorizimeve të dhëna me paragrafin 1 të nenit 21 dhe në përputhje me paragrafin 8 të nenit 21 i Ligjit për Financimin e Subjekteve Politike (LFSP) me datën 19.07.2024, merr këtë:

**VENDIM**

**Për shqiptimin e gjobës për kryetarin e subjektit politik të regjistruar PARTIA E ASHKALINJËVE PËR INTEGRIM**

- I. Kryetarin të subjektit politik PARTIA E ASHKALINJËVE PËR INTEGRIM, z. Etem Arifi, në cilësinë e personit përgjegjës të subjektit politik, i shqiptohet gjoba në vlerë njëmijë (1,000) euro.
- II. Gjobat e shqiptuara ndaj personave përgjegjës të subjektit juridik, paguhen individualisht dhe jo nga mjetet financiare të subjektit juridik
- III. Z. Etem Arifi, obligohet që brenda tridhjetë (30) ditësh pas pranimit të këtij vendimi, të paguaj shumën totale të gjobës së shqiptuar sipas pikës I të këtij vendimi dhe të dorëzojë në Zyrë një kopje të fletëpagesës së gjobës së paguar.
- IV. Me kalimin e afatit të përcaktuar në pikën III të këtij vendimi, gjobat ekzekutohen në mënyrë të detyrueshme nga Përmbartuesi Privat.
- V. Vendimet e Zyrës për shqiptimin e gjobave hyjnë në fuqi në ditën e nënshkrimit dhe janë përfundimtare dhe të ekzekutueshme.

**Arsyetim**

Subjekti politik PARTIA E ASHKALINJËVE PËR INTEGRIM, është e regjistruar si parti politike në përputhje me legjislacionin në fuqi, nga data 05.10.2010 dhe është subjekti politik i përfaqësuar në Kuvendin e Kosovës, i cili përfiton mjete nga Fondi për Mbështetjen e Subjekteve Politike, në përputhje me nenin 9 të LFSP.

Sipas azhurnimeve të fundit të dorëzuara nga subjekti politik në Zyrë, z. Etem Arifi figuron si Kryetar i këtij subjekti politik.

Me datën 11.07.2024, Zyra në përputhje me autorizimet që dalin nga LFSP ka marrë vendim për shqiptimin e gjobës për subjektin politik PARTIA E ASHKALINJËVE PËR INTEGRIM.

Me vendimin e Zyrës me numër protokoll 365/11.07.2024 PARTIA E ASHKALINJËVE PËR INTEGRIM është gjobitur për shkeljen e nenit 19 të LFSP ku theksohet qartë se subjekti i regjistruar politik bashkëpunon ngushtë me auditorët e përzgjedhur nga Zyra dhe u ofron atyre qasje të plotë dhe të papenguar në shënimet financiare të subjektit, duke përfshirë të gjitha shënimet pa kufizime.

Subjekti politik ka dështuar në ofrimin e dokumentacionit mbështetës për periudhën raportuese 01.01.2023-31.12.2023 edhe pas kërkesave të përsëritura nga auditorët dhe si pasojë auditorët kanë konstatuar mos-bashkëpunimin e subjektit politik gjatë procesit të auditimit.

Nënparagrafi 7 i paragrafit 6 të nenit 21 të LFSP e definojnë që subjekti politik që nuk ka dhënë qasje nëpër zyra dhe në librat (evidencat) ku të dhënat mbahen për auditorët, paraqet shkelje dhe subjekti politik që kryen këtë shkelje gjobet në përputhje me dispozitat ndëshkimore të LFSP.

Sipas paragrafit 8 të nenit 21 të LFSP, nëse një subjekti politik është gjetur në shkelje të ndonjëres prej shkeljeve të përcaktuara në paragrafin 6 të nenit 21, gjobat nga një mijë (1,000) euro deri në tremijë (3,000) euro u shqiptohen personave përgjegjës të subjektit politik në fjalë, nëse vërtetohet se shkelja ka ndodhur për shkak të veprimit ose mosveprimit të tyre.

Kryetari i subjektit politik PARTIA E ASHKALINJËVE PËR INTEGRIM z. Etem Arifi, në cilësinë e personit përgjegjës të subjektit politik të gjobitur për shkeljet e lartcekura, ka qenë i vetëdijshëm për mos-bashkëpunimin e përfaqësuesve financiar të subjektit politik me auditorë sepse ka qenë i njoftuar në të gjithë komunikimin e auditorit ligjorë që ka realizuar me subjektin politik.

Në përputhje me paragrafin 26 të nenit 25 të Rregullores 06/2024 për Menaxhimin dhe mbikëqyrjen financiare të subjekteve politike, gjobat e shqiptuara ndaj personave përgjegjës të subjektit juridik, paguhen individualisht dhe jo nga mjetet financiare të subjektit juridik.

**Nga sa u tha më lartë, përmes këtij vendimi, Zyra vendosi për shqiptimin e gjobës në vlerë prej një mijë (1,000) euro, për personin përgjegjës të subjektit politik PARTIA E ASHKALINJËVE PËR INTEGRIM z. Etem Arifi, sipas diapozitivit të këtij vendimi.**

Prishtinë, 19.07.2024

Drejtori i Zyrës



Besnik Buzhala

Vendimi i dërgohet:

- Kryetarit së partisë politike PARTIA E ASHKALINJËVE PËR INTEGRIM, z. Etem Arifi

**Këshilla juridike:** Personi përgjegjës i subjektit politik mund të inicojë padi kundër vendimit të Zyrës për shqiptimin e gjobave, pranë gjykatës kompetente të shkallës së parë, brenda afatit prej tridhjetë (30) ditësh, pas njoftimit për vendimin. Inicimi i padisë nuk e ndalon ekzekutimin e këtij vendimi.